




REPUBLIC OF KOSOVO - REPUBLIKA E KOSOVES / REPUBLIC OF KOSOVO	
AGJENCIA KUNDËR KORRUPSIONIT AGENCIJA PROTIV KORUPCIJE ANTI-CORRUPTION AGENCY	
Dep. Dep. Dep.	Nr. Prot. Bj. Prot. Prot. No.
DPKI	06-02/1613/21
Nr. l faq Broj stranica Nr. pages	Data Datum Date
03	16-06-2021
Republika e Kosovës	



Republika Kosova-Republic of Kosovo

AGJENCIA KUNDËR KORRUPSIONIT
AGENCIJA PROTIV KORUPCIJE
ANTI - CORRUPTION AGENCY

Në mbështetje të nenit 5 paragrafi 1, nënparagrafi 1.5, nenit 11 paragrafi 1, nënparagrafi 1.1, nenit 18 paragrafi 10 dhe 11 të Ligjit nr. 03/L-159 për Agjencinë kundër Korrupsionit, si dhe nenit 7 paragrafi 4 të Rregullores nr. 01/2018, për Ndryshimin dhe Plotësimin e Rregullores Nr. 01/2014 dhe Rregullores Nr. 01/2017 të Punës së Agjencisë kundër Korrupsionit, Drejtori i Agjencisë kundër Korrupsionit, me datë 15.06.2021, nxjerrë këtë:

V E N D I M

- I. Mbyllet rasti AKK-DPKI-06-664/21, për zyrtaren e lartë znj. Abetare Kurti, Drejtoreshë e Drejtorisë së Shëndetësisë dhe Mirëqenies Sociale në Komunën e Ferizajit, për shkak se është shmangur gjendja e konfliktit të interesit, përkatësisht papajtueshmërisë me ushtrimin e funksionit publik.
- II. Rasti mund të rihapet në çdo kohë nëse paraqiten rrethana të reja.

A r s y e t i m

I. Rasti i hapur nën dyshimin për konflikt interesi në ushtrimin e funksionit publik për zyrtaren e lartë znj. Abetare Kurti, është trajtuar sipas procedurës së paraparë me Ligjin nr. 06/L-011, për parandalimin e konfliktit të interesit në ushtrimin e funksionit publik (në vijim: LPKI).

Ky rast ka filluar të trajtohet pasi që Agjencia kundër Korrupsionit ka pranuar dy kërkesa të ndara, njëren nga Kompania Rajonale e Ujësjetësimit (KRU) "Bifurkacioni" SH.A. në Ferizaj dhe tjetrën nga Autoriteti Përgjegjës për parandalimin e konfliktit të interesit në Komunën e Ferizajit, me të cilat është kërkuar interpretim ligjor nëse paraqet konflikt interesi fakti se znj. Abetare Kurti, Drejtoreshë e Drejtorisë së Shëndetësisë dhe Mirëqenies Sociale (DSHMS) në Komunën e Ferizajit, është njëkohësisht edhe anëtare e Bordit të Përkohshëm të Drejtorëve në KRU "Bifurkacioni" SH.A. në Ferizaj.

Nga kërkesat e parashtruara në Agjencinë kundër Korrupsionit dhe dokumentacioni i bashkangjitur, është konstatuar se me Vendimin e Qeverisë së Republikës së Kosovës Nr. 09/34, të datës 07.10.2020, është ndryshuar statusi i KRU "Bifurkacioni" SH.A. nga Ndërmarrja Publike Komunale në Ndërmarrje Publike Qendrore. Më pas, me Vendimin e Qeverisë së Republikës së Kosovës Nr. 14/48, të datës 07.12.2020, znj. Abetare Kurti është emëruar anëtare e Bordit të



Përkohshëm të Drejtorëve në KRU “Bifurkacioni” SH.A. Ndërsa, me Vendimin e Kryetarit të Komunës së Ferizajit 01 Nr. 16/21, të datës 01.02.2021, znj. Abetare Kurti është emëruar në pozitën Drejtor i DSHMS në Komunën e Ferizajit.

Fakti se znj. Abetare Kurti ushtronte njëkohësisht funksionin e Drejtorit DSHMS-së në Komunën e Ferizajit dhe funksionin e anëtares së Bordit të Përkohshëm të Drejtorëve të KRU “Bifurkacioni” SH.A., vërtetohet edhe nga Regjistri për deklarimin e pasurisë së zyrtares në fjalë.

Në cilësinë e këtyre dy funksioneve, znj. Abetare Kurti ka status të zyrtarit të lartë publik në kuptim të nenit 3 paragrafi 1, nënparagrafi 1.3 i LPKI-së, me të cilin përcaktohet se: *“Zyrtar i lartë – nënkupton zyrtarët e lartë publikë të përcaktuar sipas Ligjit përkatës për deklarimin, kontrollin dhe prejardhjen e pasurisë”*, lidhur me nenin 3 paragrafi 1, nënparagrafi 1.1, pika 1.1.6 dhe 1.1.8 të Ligji Nr. 04/L-050 për deklarimin, prejardhjen dhe kontrollin e pasurisë të zyrtarëve të lartë publik dhe deklarimin, prejardhjen dhe kontrollin e dhuratave për të gjithë personat zyrtarë, me të cilin është përcaktuar se: *“Zyrtar i Lartë Publik - janë: [...] Anëtarët e Bordeve të Ndërmarrjeve Publike, [...] si dhe të gjithë Drejtorët e Drejtorive Komunale”*.

Ushtrimi njëkohësisht i funksioneve të sipërpërmendura nga znj. Abetare Kurti, përveç kufizimeve të përcaktuara me nenin 13 paragrafi 2 të LPKI-së, është i ndaluar edhe me nenin 17, paragrafi 2, pika k, të Ligjit Nr. 03/L-087 për ndërmarrjet publike.

Kështu, me nenin 13, paragrafi 2 të LPKI-së është përcaktuar se: *“Zyrtari i lartë nuk mund të jetë anëtar i më shumë se një organi drejtues të ndërmarrjes në pronësi publike, shoqërisë aksionare me pronë publike si dhe organeve të institucioneve të tjera publike, përveç nëse parashihet ndryshe shprehimisht me ligj. Zyrtari i lartë, në cilësinë e anëtarit të organeve të përmendura në këtë paragraf, nuk ka të drejtë shpërblimi me pagesë, përveç të drejtës në kompensimin e shpenzimeve të udhëtimit dhe shpenzimeve të tjera të lidhura me të”*.

Dispozita në fjalë ka përcaktuar dy kufizime për zyrtarët e lartë. Kufizimi i parë përcakton se *“zyrtari i lartë nuk mund të jetë jetë anëtar i më shumë se një organi drejtues të ndërmarrjes në pronësi publike”*. Pra zyrtari i lartë ka të drejtë të jetë anëtar i vetëm një (por jo më shumë se një) organi drejtues të ndërmarrjes në pronësi publike. Kufizimi i dytë përcakton se *“zyrtari i lartë, në cilësinë e anëtarit të organit drejtues të ndërmarrjes në pronësi publike, nuk ka të drejtë shpërblimi me pagesë, përveç të drejtës në kompensimin e shpenzimeve të udhëtimit dhe shpenzimeve të tjera të lidhura me të”*.

Përveç kësaj, me dispozitën e nenit 20 paragrafi 3 të LPKI-së, shprehimisht është përcaktuar se: *“Institucionet në kuadër të akteve të tyre të brendshme, parashohin dhe zbatojnë rregulla të veçanta për parandalimin e konfliktit të interesit, varësisht fushëveprimit të institucionit përkatës”*.

Në këtë kontekst, me nenin 17 [Kushtet e Kualifikimit dhe Përshtatshmërisë Profesionale], paragrafi 2, pika k, të Ligjit Nr. 03/L-087 për ndërmarrjet publike, është përcaktuar se: *“Të gjithë drejtorët përveç KE duhet të jenë të pavarur. Një person nuk konsiderohet i pavarur dhe nuk kualifikohet për zgjedhje si drejtor në një NP nëse: [...] është ose në çfarëdo kohe gjatë periudhës 36 muajsh para datës së aplikimit ka qenë (i) zyrtar i zgjedhur publik, (ii) i emëruar politik ose (iii) bartës i një posti udhëheqës ose vendimmarrës në një parti politike.”*

Rrjedhimisht, në kuptim të dispozitës së sipërcituar, pas emërimit në funksionin Drejtor i DSHMS-së në Komunën e Ferizajit (emërim politik), znj. Abetare Kurti nuk mund të ushtrojë funksionin e anëtares së Bordit të Përkohshëm të Drejtorëve të KRU “Bifurkacioni” SH.A.

Pas konstatimit të gjendjes si më lartë, Agjencia kundër Korrupsionit ka organizuar dhe mbajtur një takim me znj. Abetare Kurti në zyrat e Agjencisë, me ç’rast e ka njoftuar për kufizimet dhe ndalesat e konstatuara dhe të njëjtës i ka kërkuar që ta shmangë situatën e konfliktit të interesit, përkatësisht papajtueshmërisë me ushtrimin e funksionit publik.

Pasi që znj. Abetare Kurti, nuk ka njoftuar Agjencinë kundër Korrupsionit nëse ka ndërmarrë veprimet e nevojshme për shmangie të situatës së konfliktit të interesit, Agjencia në kuptim të nenit 22 paragrafi 7 të LPKI-së, të njëjtës i ka dërguar “Njoftim paralajmërues për konstatimin e konfliktit të interesit” (DPKI-06-02/1581/21), me të cilin e ka njoftuar zyrtaren e lartë me konstatimin e situatës së konfliktit të interesit, si dhe ka kërkuar që brenda afatit shtatë (7) ditë nga pranimit të njoftimit, të ndërmerr veprime konkrete (masat) për shmangie të situatës së konfliktit të interesit, konform nenit 19 të LPKI-së. Me paralajmërimin se, në të kundërtën Agjencia do të veprojë konform nenit 22 paragrafi 8 dhe nenit 23 të LPKI-së.

Ndërkohë, Agjencia kundër Korrupsionit ka pranuar njoftimin zyrtar (DPKI-06-02/1581/21), me të cilën konstatohet se znj. Abetare Kurti ka dhënë dorëheqje të parevokueshme nga pozita e anëtares së Bordit të Përkohshëm të Drejtorëve të KRU “Bifurkacioni” SH.A.

Pas analizimit të njoftimit të pranuar, Agjencia kundër Korrupsionit konstatoi se zyrtarja e lartë znj. Abetare Kurti, ka dhënë dorëheqje nga detyrat, funksionet ose veprimtaritë që janë në konflikt ose në papajtueshmëri me funksionin e saj publik, sikurse parashihet me nenin 19 paragrafi 1, nënparagrafi 1.3 të LPKI-së. Në këtë mënyrë, Agjencia kundër Korrupsionit konstatoi se me veprimet që i ka ndërmarrë zyrtarja e lartë, është shmangur konfliktit të interesit, përkatësisht papajtueshmërisë me ushtrimin e funksionit publik, pasi që znj. Abetare Kurti nuk ushtron më detyrën anëtares së Bordit të Përkohshëm të Drejtorëve të KRU “Bifurkacioni” SH.A.

Nga sa u tha më lartë, u vendos si në pikën I. të dispozitivit të këtij vendimi.

II. Në mbështetje të nenit 18 paragrafi 11, të Ligjit nr. 03/L-159 për Agjencinë kundër Korrupsionit, Agjencia mund të rihapë rastin në çdo kohë nëse paraqiten rrethana të reja.

Vendimi iu dërgohet:

- Zyrtarit të lartë publik
- Drejtorit të DPKI- së
- Z./znj. (zyrtari përgjegjës)

Shaip Havolli
Drejtor i Agjencisë kundër Korrupsionit

